



Organistiniq amigaateqarneq, suullu peqqutaanersut pillugit Naalakkersuisut UKA2023-mi agguassassamik nalunaarusioqqullugit Inatsisartut aalajangiiffisassaattut siunnersuut. Nalunaarusiami akissarsianut tunngasut, ilinniartitsinikkullu neqeroorutaasinnaasut il.il. qulaajarneqassapput, kiisalu qanoq iliornikkut amigaateqarneq qaangerniarneqarsinnaanersoq pillugu Naalakkersuisut siunnersuuteqartoqassallutik.

(Inatsisartunut ilaasortaq Siverth K. Heilmann, Atassut)

(Siullermeerneqarnera)

Inatsisartunut ilaasortamut Siverth K. Heilmann-imut siunnersuummut uunga qujanaq.

Isumaqarpunga, tamatta isumaqatigiissutigisinnaagipput, oqaluffitsinni pattaqarsuorsortunik tusarnaarneq kusanartuullunilu persuarsiorpalaartuusoq. Ajoraluartumilli pattattunik amigaateqarpugut.

Maannakkorpiaq nuna tamakkerlugu 25-nik pattattoqarpugut, qaammammusialinnik, piffinnili 42-ni, pattattunik amigaateqarpugut taartaaginnartunilluunniit ingerlanneqartunik.

Taamaattumik isumassarsiatsialaavoq, misissuinissaq, pattattunik amigaateqarnermut suut peqqutaanersut. Misissuinerup taassuma atuaqqissaarnissaa qilanaaraara.

Taamatut oqaaseqaateqarluta siunnersuutip akuerineqarnissaa aammalu Kultureqarnermut, Ilinniartitaanermut, Ilisimatusarnermut Ilagiinnullu ataatsimiititaliami suliareqqinneqarnissaa innersuussutigaaqput.